

**FRAMKVÆMDARREGLUGERÐ FRAMKVÆMDASTJÓRNARINNAR  
(ESB) 2021/810****2022/EES/34/16****frá 20. maí 2021****um breytingu á framkvæmdarreglugerð (ESB) 2021/808 að því er varðar umbreytingarákvæði fyrir  
tiltekin efni sem eru skráð í II. viðauka við ákvörðun 2002/657/EB (\*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) 2017/625 frá 15. mars 2017 um opinbert eftirlit og aðra opinbera starfsemi sem miðar að því að tryggja að lögum um matvæli og fóður og reglum um heilbrigði og velferð dýra, plöntuheilbrigði og plöntuverndarvörur sé beitt og um breytingu á reglugerðum Evrópuþingsins og ráðsins (EB) nr. 999/2001, (EB) nr. 396/2005, (EB) nr. 1069/2009, (EB) nr. 1107/2009, (ESB) nr. 1151/2012, (ESB) nr. 652/2014, (ESB) 2016/429 og (ESB) 2016/2031, reglugerðum ráðsins (EB) nr. 1/2005 og (EB) nr. 1099/2009 og tilskipunum ráðsins 98/58/EB, 1999/74/EB, 2007/43/EB, 2008/119/EB og 2008/120/EB og um niðurfellingu á reglugerðum Evrópuþingsins og ráðsins (EB) nr. 854/2004 og (EB) nr. 882/2004, tilskipunum ráðsins 89/608/EBE, 89/662/EBE, 90/425/EBE, 91/496/EBE, 96/23/EB, 96/93/EB og 97/78/EB og ákvörðun ráðsins 92/438/EBE (reglugerð um opinbert eftirlit) <sup>(1)</sup>, einkum 6. mgr. 34. gr.,

*og að teknu tilliti til eftirfarandi:*

- 1) Með framkvæmdarreglugerð framkvæmdastjórnarinnar (ESB) 2021/808 <sup>(2)</sup> er m.a. ákvörðun framkvæmdastjórnarinnar 2002/657/EB <sup>(3)</sup> felld úr gildi. Í 4. gr. þeirrar ákvörðunar, í tengslum við II. viðauka við hana, eru sett fram lágmarksviðmiðunarmörk fyrir nothæfi fyrir lyfjafræðilega virku efni klórámfenikól, umbrotsefni nítrófúrans, medroxýprógesterónasetat og malakítgrænu í tilteknum efnivið.
- 2) Í 8. gr. reglugerðar framkvæmdastjórnarinnar (ESB) 2019/1871 <sup>(4)</sup> er mælt fyrir um umbreytingarákvæði fyrir viðmiðunarpunkta fyrir aðgerðir varðandi bönnuð lyfjafræðilega virk efni. Lágmarksviðmiðunarmörk fyrir nothæfi vegna klórámfeníkóls, umbrotsefna nítrófúrans og summu malakítgrænu og malakítfólgrænu, sem koma fram í II. viðauka við ákvörðun 2002/657/EB, ættu að gilda sem viðmiðunarpunktar fyrir aðgerðir vegna matvæla úr dýraríkinu sem eru flutt inn frá þriðju löndum og vegna matvæla úr dýraríkinu sem eru framleidd í Sambandinu til 27. nóvember 2022.
- 3) Að því er varðar 8. gr. reglugerðar (ESB) 2019/1871 ætti II. viðauki við ákvörðun 2002/657/EB því að gilda áfram til 27. nóvember 2022.
- 4) Til að viðhalda samfellu ætti þessi reglugerð að gilda frá og með sama degi og framkvæmdarreglugerð (ESB) 2021/808.
- 5) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

*I. gr.*

Í stað 7. gr. framkvæmdarreglugerðar (ESB) 2021/808 kemur eftirfarandi:

*„7. gr.***Niðurfelling og umbreytingarráðstafanir**

Ákvarðanir 2002/657/EB og 98/179/EB falla úr gildi frá gildistöku þessarar reglugerðar.

(\*) Þessi ESB-gerð birtist í Stjtið. ESB L 180, 21.5.2021, bls. 112. Hennar var getið í ákvörðun sameiginlegu EES-nefndarinnar nr. 95/2022 frá 29. apríl 2022 um breytingu á I. viðauka (Heilbrigði dýra og plantna) við EES-samninginn (bíður birtingar).

(1) Stjtið. ESB L 95, 7.4.2017, bls. 1.

(2) Framkvæmdarreglugerð framkvæmdastjórnarinnar (ESB) 2021/808 frá 22. mars 2021 um nothæfi greiningaraðferða fyrir leifar af lyfjafræðilega virkum efnum sem eru notuð fyrir dýr sem gefa af sér afurðir til manneldis og um túlkun niðurstaðna, sem og um aðferðir sem skal nota við sýnatöku, og um niðurfellingu á ákvörðunum 2002/657/EB og 98/179/EB (Stjtið. ESB L 180, 21.5.2021, bls. 84).

(3) Ákvörðun framkvæmdastjórnarinnar 2002/657/EB frá 14. ágúst 2002 um framkvæmd á tilskipun ráðsins 96/23/EB varðandi nothæfi greiningaraðferða og túlkun niðurstaðna (Stjtið. EB L 221, 17.8.2002, bls. 8).

(4) Reglugerð framkvæmdastjórnarinnar (ESB) 2019/1871 frá 7. nóvember 2019 um viðmiðunarpunkta fyrir aðgerðir vegna óleyfilegra lyfjafræðilegra virkra efna sem eru fyrir hendi í matvælum úr dýraríkinu og um niðurfellingu á ákvörðun 2005/34/EB (Stjtið. ESB L 289, 8.11.2019, bls. 41).

Þó ættu kröfurnar, sem mælt er fyrir um í 2. og 3. lið I. viðauka við ákvörðun 2002/657/EB, að gilda áfram til 10. júní 2026 um aðferðir sem hafa verið fullgiltar fyrir gildistöku þessarar reglugerðar.

Að því er varðar aðra málsgrein 8. gr. reglugerðar (ESB) 2019/1871 ætti II. viðauki við ákvörðun 2002/657/EB að gilda áfram til 27. nóvember 2022.“

2. gr.

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 20. maí 2021.

*Fyrir hönd framkvæmdastjórnarinnar,*

Ursula VON DER LEYEN

*forseti.*

---